

Bergen, 23.11.21

Vår ref: 2021/1290
Sakshandsamar: Eirin Kongestøl Espeland

Dykkar ref:

Fiskeridirektoratet region Vest (ref. 21/13670)

Statsforvaltaren i Vestland

Alver, lokalitet Kjeppevikholmen – utviding og auka biomasse – uttale

Viser til brev av 20.10.21, med vedlegg, frå Fiskeridirektoratet region Vest om ovannemnde sak.

Fiskarlaget Vest har sendt saka til Nordhordland Fiskarlag.

Generelle merknader

Fiskarlaget Vest registrerer at ein får mange søknadar om endring av lokalitetar, auka biomasse på eksisterande lokalitetar, samt søknadar om nye lokalitetar. Mange meiner at eitt lite enkelt prosjekt ikkje kan skade, men mange nok avgrensar tilgjengeleg areal for fiske bit for bit. Det er viktig at forholda blir lagt til rette slik at norske fiskarar fortsatt kan skape verdiar av fiske for spesielt kystsamfunna våre. «Sjøvern» er like viktig for fiskerinæringa, som «jordvern» for jordbruk.

Styresmaktene må ikkje føre bit-for-bit-politikk. Ein må vurdere heilheitlege effektar og kva eit større område toler av akvakultur, i tillegg til anna utslepp til sjø. Styresmaktene må **definere** kva som er **akseptabel negativ innverknad** på anna næring.

Akvakulturnæringa må velje gode lokalitetar som ikkje er i konflikt med andre næringar, slik at ein ikkje forureinar eit område for deretter søkje om ny/justert plass. Ein må **unngå** både **arealkonflikt** og forureining/negativ påverknad på viktige **økosystem og fiskeriområde**.

Akvakulturnæringa må vere bevisst på bruken av midlar til avlusing og sjukdomsbehandling. Det er påvist at kjemiske midlar mot lakselus òg har negativ innverknad på marine krepsdyr: <https://www.hi.no/hi/temasider/arter/lakselus/miljoeffekter-av-lakselusmidler> . Desse effektane kan òg indirekte ha innverknad på andre artar i form av svekking av økosystem.

Ein registrerer at det er forskning på alternativ lusebekjemping utan bruk at kjemiske midlar. Det er derimot viktig at ein igjen ser dei heilheitlege effektane. Ein må vere bevisst på anna typar forureining som til dels lyd- og lysforureining, som kan påverke vandrings- og åtferdsmønster til sjøartar.

Akvakulturnæringa må sørgje for at arealbeslaget på sjøbotn, i form av fortøyingar, blir avgrensa mest mogleg. Ein ynskjer å peike på at bolting (ikkje boltar som fiskereiskap kan hefte i) kan avgrense ankringsområdet.

Det er viktig at akvakulturlokalitetar og tilhøyrande fortøyingar/fester som ikkje er i bruk, blir fjerna. Med dagens fokus på plastforureining i sjø må ein òg førebyggje mest mogleg. Det kan vere dyrt og vanskeleg å rydde opp i ettertid.

Kjeppevikholmen

Det er søkt om utviding av maksimalt tillaten biomasse frå 2340 tonn til 3900 tonn, samt arealauke frå 3 merder til 9 rammer på 100 x 100 meter. Lokalitet Laksevika sør for Kjeppevikholmen i Herdlefjorden er samtidig tenkt lagt ned.

Det er i Fiskeridirektoratet sitt kartverktøy registrert gyteområde (lange, lyr, torsk), område for passive fiskereiskap og rekestrålfelt i området. Det blir òg fiska i område som ikkje er registrert. Ein har t.d. «nye» fiskeri som leppefiske og fiske etter sjøkreps.

Omsøkt arealauke vil føre til beslag på rekestrålfeltet, noko ein ikkje kan godta. Rekestrålfelta er naturgejevne område som ikkje kan flyttast på.

Biomasseauke vil òg auke miljøbelastninga i området. Ein peikar på at B-undersøkelsen visar miljøtilstand *3 dårleg*. Rette styresmakt må ta ei heilheitleg vurdering av innverknaden ei eventuell biomasseauke vil ha på det marine liv. Det må òg vere strenge krav i høve kva midlar ein kan nytte til avlusings-/sjukdomsbehandling i tilknytning til område med skaldyr.

Fiskarlaget Vest går i mot endringar som legg beslag på m.a. rekestrålfeltet, samt endringar som kan føre til negativ innverknad på det marine liv.

Fiskerinæringa er basert på fornybar biologisk produksjon, og er difor avhengig av eit reint og produktivt kyst- og havmiljø mest mogleg fritt for miljøgifter, framandstoff og legemiddel. Ein har eit stort felles ansvar, både nasjonalt og internasjonalt, for å oppretthalde eit reint og produktivt hav. Det er avgjerande for kvalitet, omdøme og marknadsvardi for norsk sjømat. Det er viktig å førebyggje då det ofte er vanskeleg og dyrt å rydde opp i ettertid.

I tillegg er ein avhengig av å ha eigna areal å fiske på.





Med helsing
Fiskarlaget Vest

Britt Sæle Instebø
Dagleg leiar


Eirin Kongestøl Espeland
Rådgjevar

Kopi pr. mail: Nordhordland Fiskarlag
Alver kommune
Vestland Fylkeskommune


Brevet er godkjent elektronisk og blir sendt utan handskriven underskrift.



Utsnitt Fiskeridirektoratet sitt kartverktøy



Utsnitt forøytingsplan – søknad



Utsnitt frå Fiskeridirektoratet sitt kartverktøy – anlegg med fiskeriinteresser